

Զ. Հ. Ղուկասյան

«ՄԻԺԱՐ ՍՊԱՐԱՊԵՏ» ՊԱՏՄԱՎԵՊԸ

Հայրենական պատերազմի ժամանակաշրջանում օրինաչափ և առանձնահատուկ զարգացում ապրեց սովետահայ պատմավեպի: Կյանքը գրականության առաջ կենսական պահանջ դրեց անցյալի ազատագրական կռիվների զեղարվեստական իմաստավորման միջոցով հայրենասիրական կոչ ուղղել ժամանակակից սերունդներին՝ պաշտպանելու ձեռք բերված նվաճումները:

Դերերիկ Դեմիրճյանի «Վարդանանք» և Ստեփան Զորյանի «Պապ թագավոր» վեպերը կյանք մտան ոչ միայն որպես ինքնին զեղարվեստական երկեր իրենց «անհատական» խնդիրներով՝ զեղարվեստական-դաստիարակչական ու ճանաչողական նշանակությամբ, այլև լուրջ ազդեցություն ունեցան սովետահայ գրականության հետագա պրոցեսի, մասնավորապես սովետահայ պատմավեպի զարգացման վրա:

Վերջին տասնամյակում՝ 1954—1964 թթ. հրատարակվեցին Մովսես Արագու «Իսրայել Որի», Ստեփան Զորյանի «Հայոց բերդը», Հովհաննես Ղուկասյանի «Ոսկան Երևանցի», Զարգանդ Դարյանի «Սայաթ-Նովա» և վերջապես Սերո Խանդավյանի «Միջար սպարապետ» պատմավեպերը: Բովարկեցին միայն այն երկերը, որոնք վերարտադրում են դարերի հնություն ունեցող իրադարձությունները: Եթե «պատմավեպ» սյուժեի տակ ղենք նաև այս դարասկզբի պատմական անցքերին նվիրված երկերը, ապա այստեղ տեղ կգրավեն բազմաթիվ ծավալուն երկեր՝ նախիկ Զարյանի «Պարոն Պետրոսն ու իր նախարարները», Աղավնու «Շիրակը», Վ. Ասրյանի «Արյունոտ բառույթները», Գուրգեն Մահարու «Երիտասարդության սևմին», Ռաֆայել Աթայանի «Զարթոնք» և այլն:

Զարգանդ Դարյանի «Սայաթ-Նովա» և Հովհ. Ղուկասյանի «Ոսկան Երևանցի» պատմավեպերը թեմայով և ժանրային առանձնահատկություններով տարբերվում են տրադիցիոն պատմավեպից: Նրանք նվիրված են ոչ թե ժողովրդի ազգային-ազատագրական կռիվներին, պատմական կամ հեղափոխական անցքերին, այլ հայ ժողովրդի այն առանձին նշանավոր մարդկանց, որոնք մեծ դեր են կատարել նրա կուլտուրայի ու արվեստի զարգացման մեջ: Մինչդեռ ետպատերազմյան պատմավեպում Սերո Խանդավյանի «Միջար սպարապետը» հայ գրողների ավագ սերնդի ներկայացուցիչներ Արագու և Ստեփան Զորյանի պատմավեպերի կողքին տրադիցիոն պատմավեպ էլ նա զաղափարով ու ներշնչանքով սերտորեն կապված է ոչ միայն «Վարդանանքի» և «Պապ թագավորի», այլև «Վերք Հայաստանի», «Դավիթ Բեկի», «Սամվելի», «Գեորգ Մարզպետունու» հետ, նրանց հարազատ և օրինական ժառանգն է:

Բայց եթե այս վեպը իր նախորդների միայն շարունակությունը լինեք պատմաշրջանի առումով և մեթոդական-ստեղծագործական հատկություններով, ապա փոքր կլինեք նրա նշանակությունը և դժվար բացատրելի այն լավ ընդունելությունը, որ նա գտավ թե՛ գրական շրջաններում և թե՛ ընթերցողների լայն խավերի մեջ:

Հայ պատմավեպի հիմնական բովանդակությունն այն է, թե ինչպես ժողովուրդը, դարեք շարունակ ենթարկվելով զորեղ զավթիչների ասպատակություններին, ընկնելով նրանց լծի տակ, երբեք չի դադարել իր ազգային ազատագրության համար պայքարելուց: Հզորներն իրենց հավասարների հետ բախվելիս էլ հռչակել են փոքր ժողովուրդներին, ամենից հաճախ հայերին, և դարձյալ այդ փոքր ժողովուրդը գերմարդկային ճիգեր է գործադրել դուրս գալու համար անկախ և ազատ գոյատևելու ճանապարհ:

Հարազատ մնալով իրականությանը, հայ պատմավեպը ցույց է տվել, թե ինչպես «հայրենին» պաշտպանելու ժամանակ բոլորովին են ժողովրդի գլուխ կանգնած մարդկանց կրքերը, խախտվել է իշխանների ու նախարարների միասնությունը, կազմվել են խմբակցություններ, որոնք հաճախ իրար դեմ կենաց ու մահու կռիվներ են մղել, եղել է դավաճանություն, կոտորած՝ յուրաքանչյուրի ձեռքով: Պատմական հանգամանքների բերումով միշտ չէ, որ պարզ է եղել, թե օտարի լծից, ֆիզիկական բնաշնչումից և բռնություններից ազատվելու համար փոքր հայ ժողովուրդը ո՞ր միջոցը պետք է բնորոշ ինքնուրույն դիմադրությունը, թե՛ որեւէ հզոր տերության հարելու, նրա հովանավորության տակ անցնելու քաղաքականությունը: Թեև պատմությունը

րազմիցս հաստատել է, որ ստար տիրակալները խաբում են նրան, բայց հայ ժողովուրդն իր փոքրաթիվության պատճառով հաճախ է կանգնել այդ երկրներանքի առաջ և նրա գլուխ կանգնածների աչքը հաճախ է հառած մնացել որևէ հզորի պալատի դռներին՝ ու ղեսպանների շուրթերին: Ի՞նչ անել, ղիմադրել ու նահատակել, թե՛ հպատակել ու սպասել հարմար առիթի, կամ գուցե հաշտվել իսպառ ոչնչանալու, որպես առանձին աղգային միավոր, ժողովուրդ, գոյություն ունենալու գաղափարի հետ:

«Մխիթար սպարապետ» վճպի բովանդակությունն ու ընդհանուր տրամաբանությունը առանձին տարրերություն չունի վերը նշվածից: Բայց այստեղ նորություն և թարմություն կա պատմական անցքերի նկատմամբ մոտեցման և նրանց մեկնաբանության, գեղարվեստական իմաստավորման մեջ, որը պատկերվող բարդ ժամանակաշրջանի հասարակական, պետական ու քաղաքական հարաբերությունների լայն և խոր ընդգրկման հետ «Մխիթար սպարապետը» դարձնում է նշանակալի երևույթ սովետահայ պատմավիպագրության մեջ:

Հայ պատմագիտության համալսարանի ժողովրդական գաղափարներին, միշտ խրախուսել է զիմա-
դրության ճանապարհով հարատևելու ձգտումները: Այդպես է, օրինակ, «Վարդանանքում»: Բայց
«Վարդանանքի» մեջ զիմադրությունը երբեմն մասնավորացվում և դիտվում է որպես նահատա-
կություն: Հայ ժողովուրդը իր գոյության, անկախության համար կռվելով, պետք է նահատակի
ինքն իրեն, զոհարելի ամբողջ սերունդներ, մինչև որ պատմության ուղիներում մի լուսավոր
գուռ բացվի նրա համար: Հազվեթի դեմ ապստամբության վճիռ կայացնելուց առաջ Վարդան
Մամիկոնյանը մտածում է. «Դաժան ղեկար է հայոց ժողովրդի փրկությունը, նահատակությունն
է նրա փրկությունը, տևական, սերնդե-սերունդ նահատակություն, մինչև կբացվի ճշմարիտ ա-
զատության գուռը»¹:

Ինչպես է լուծվում ազգային ազատագրական պայքարի այս ամենակարևոր հարցը՝ «Մխիթար սպարապետ» վեպում, ո՞րն է տվյալ դեպքում նորոթյունը կոնցեպցիայի մեջ:

Գրեթե նույն բանն է մտածում Դավիթ Բեկը թուրքական բանակի ղեմ ձևակառուարտելուց առաջ. «Որտե՞ղ է վերջը: Սկիզբը եղավ, վերջը՝ ոչ, չի երևում: Կապրեն այդպես կոչվելով, ազգովի զիմադրելով այն արհամարիքներին, որ դարեր անվերջ գալիս է հայոց աշխարհի վրա: Կգիմադրեն բոլորը՝ սերնդե-սերունդ, մինչև մի տեղ վերջանա արհամարիքը... Այդպես է եղել ի սկզբանե ձանապարհը հայոց»:-

«Խիթթար սպարապետը» ավարտվում է հետևյալ խոսքերով. «Նոր թշնամիներ էին գալիս
Հայոց աշխարհի վրա, ու նոր քաջեր էին նրանց դուրս մղում իրենց հինավուրց հողից:

Մի սերնդին փոխարինում էր մյուսը...

Այսպես ապրեցինք զարեր...»:

Չնայած գաղափարների այս նմանությունը, ինչպես վերը բերված տողերից, այնպես էլ մանավանդ վնասների ընթացքից երևում է, որ «Մխիթար սպարապետի» հեղինակը պաշտպանում է և հավատում դիմադրության միջոցով ապրելու, հարատևելու հնարավորությանը: Նահատակությունը միակ ուղին չէ, կա հաղթանակի հավատով լի պայքարի ուղի: Հենվել հայրենի հողին, մաշել, հյուծել հակառակորդի ուժերը, և ապա դուրս շարտել նրան, անկախություն ձևոր բերել, զարգացնել ժողովրդի շինարար ոգին, ստեղծել նյութական ու հոգեոր հարստություններ: Փոքր ժողովուրդների ազատագրական պատերազմների վերաբերյալ այս կոնցեպցիան թե՛ պատմությանը հարազատ մնալու և թե՛ ժամանակակից գաղափարների տեսանկյունից ավելի ուսալ է, կենսական և ճշմարիտ:

Մյուս պատմավեպերի համեմատությամբ նորություն և ինքնատիպություն կա նաև այս պորթրեմի գեղարվեստական լուծման մեջ։ Սերո խանգաղյանն ավելի, քան մյուս պատմավեպերի հեղինակները, աշխատել է ազգային ազատագրական պայքարի բնթացքն ու ելքը պատկերել սոցիալական ուժերի հարաբերության հետ ունեցած նրանց կապի մեջ, ավելի խորը գնալ ղեպի ազատագրական շարժումների սոցիալական արմատները։ ՆՅՆ Բաֆֆին և մյուս նշանավոր հայ վիպասանները համարձակ կերպով նշելով սոցիալական անհավասարությունից բխող հակասությունները, միաժամանակ պատմության զարգացման մեջ չեն բացահայտել դրանց դերը, այլ շեշտող դրել են պատմական գործիչների, նրանց անհատական հատկությունների վրա, չեն հասել նրանց գործունեության դասակարգային դրդիչներին, ապա ռՄխիթար սպարապետն վնասում պատմական գործիչների վտրսագծի հիմքում միշտ երևում են դաստակարգային հարաբերությունների առանձնահատկությունները, կարևոր իրադարձությունների և հերոսների արարքների՝

1 Դ. Դ ե ճ ի Ր Ճ յ ա ն, Վարդանանք, Էրկրորդ դիրք, Երևան, 1946, էջ 140.

² Ս ե ռ ո հ ա ն ղ ա ղ յ ա ն, Մխիթար սպարապետ, Երկրորդ հրատարակ., 1963, էջ 438:

ներանցով պայմանավորված լինելը: Հերոսը իր ժամանակի, տվյալ սոցիալական խավի, կոնկրետ հասարակական միջավայրի արդյունք է և նրա բնավորությունն ու գործունեությունը խորր սոցիալական պատճառներ ունեն, կապված են այս կամ այն սոցիալական շերտի, նրա առաջավոր, կամ հետամնաց գաղափարների, նրա ձգտումների ու տրամադրությունների հետ: Այս սկզբունքով են ստեղծված վեպի գլխավոր հերոսները:

Ինչով է պատճառարանված Մելիք Բարխուդարի «զարհուրելի» դաժանությունն իր ճորտերի նկատմամբ, ինչպես է պատահում, որ մելիքը զաղտնաբար հարձակվում է Պղնձաբարի վրա՝ Մխիթար սպարապետի նոր ստեղծած մելիքությունն իսպառ ոչնչացնելու նպատակով: Ժիշտ է, Բարխուդարի բնավորության մեջ զգացվում է նաև «ցույց տուր ինձ մի մարդ, որ իր կրթերի ղերին շինի» շնքսպիրյան նշանաբանի ազդեցությունը, բայց միաժամանակ Բարխուդարի բնավորությունը ֆեոդալական ամբողջ դասի համար հատկանշական բնավորություն է, նրա սոցիալական էության հաստատումը: Բարխուդարի, որպես պահպանողական, դաժան մելիքի ներքին էությունը մերկացնելու գործում ոչ մի զիջում չի արված: Նախնիների մեջ դարերով սնված ու ամրացած հասկացողությունները՝ լավագույն հողերին տիրելու, իշխելու, իր հարստության ու արտոնությունների նկատմամբ ամենափոքր «ստնձգությունն» անգամ զազանաբար ճնշելու կրքերն այնքան հախուռն ու անզուսպ են Բարխուդարի մեջ, որ մարդասպանության են մղում: Բարխուդարի առաջին հոգսը ոչ թե ժողովրդի, «ազգի» բարօրությունն է, ինքնուրույն պետության ստեղծումը, միասնությունը, թեև նա հաճախ էլ իր «տիրասիրության» մասին հավաստիացումներ անում, այլ իր մելիքական արտոնությունների պահպանումն ու անսասանությունը: Ուժի հասկացողությունն էլ նրա մեջ յուրահատուկ է և տիպական. «Իմացելք: Ուժը աստծուց արդար է, աստծուց զորավոր: Բարխուդարն ի նկատի ունի իրեն տված այն ուժը, այն արտոնությունը, որով անպատիժ կերպով կարող է դատաստան տեսնել իրավազուրկ ճորտերի հետ: Մխիթար սպարապետի և Բարխուդարի միջև ընդհարումները, ինչպես նաև հաշտությունը, որը սկզբում անհնարին է լինում, տեղի են ունենում միշտ նույն պատճառով՝ հարստությունը մեծացնելու, մելիքական արտոնություններն ընդարձակելու և պահպանելու համար: Բարխուդարն ամենավճռական պահին հավատարիմ է մնում Մխիթարի քաղաքականությանը՝ դարձյալ այն պատճառով, որ համոզված է, թե պարսիկները կամ թուրքերը իրենց տիրապետությունը հաստատելով աշխատանքում, կթուլացնեն կամ կչնչեն մելիքությունները, նրանց հարստությունը կրճատեն իրենց փաշաներին և աղապիսով Բարխուդարի ոչ միայն հարստությունը, այլև տոհմը կարող է իսպառ անհետանալ:

Մելիք Մուսիի համար նույնպես ամենակարևորը իր ունեցվածքի պահպանությունն է: Բայց պայմանները մի կողմից, մելիք Մուսիի բնավորությունը՝ մյուս, նրան այդ պաշտպանությունն իրականացնելու այլ մեթոդներ են թելադրում: Նթև Բարխուդարի մեջ իր մելիքությունն ու տոհմը պահպանելու ձգտումը վերջում համատեղվում է հայրենիքի անկախության պահպանության հետ, ապա մելիք Մուսիի հետ կատարվում է ճիշտ հակառակը: Նա դառնում է դավաճան, Ազուլիսի ղռները բացում է թշնամու առաջ, հույս ունենալով այդ ճանապարհով կոտորածի ու թալանի առաջն առնել, բաղաբը պահպանել, եթև նույնիսկ դրանով կնպաստի թշնամու ուժեղացմանն ու Հայաստանի մյուս քաղաքների գրավմանը: Մուսիին չի տատանվում անգամ կնոջ ողբերգական մահը տեսնելով, որը տեղի է ունենում հայ հայրենասեր զորականներին դավաճանաբար թշնամու ձեռքը հանձնելու պատճառով: Նույն դասի մարդկանց աղապիսի հակադիր գործելակերպը ոչ միայն չի նկատում պատմական ճշմարտությանը, այլև նրանով է պայմանավորված և ավելի խորն է պատկերում ժամանակի տիրապետող հասկացությունները:

Ժողովրդի ազգային ազատագրության ուղին որոշելու մեջ սոցիալական ֆակտորի գերի բացահայտման և ֆեոդալական դասակարգի գեղարվեստական նկարագիրը տալու տեսակետից վեպն ավելի մեծ մասշտաբի ճշմարտության է հասնում Տեր-Ավետիսի կերպարի շնորհիվ: Տեր-Ավետիսը մելիք է մասամբ միայն, կնոջ կալվածների շնորհիվ: Նա նաև հողեփրական է: Դժբախտաբար գեթ համառոտ կերպով, պատմական ասպեկտով չեն պարզված Տեր-Ավետիսի հողերական և ապա նշանավոր զորավար դառնալու հանգամանքները. ըստ երևույթին հեղինակը հույսը դրել է այն փոքր տեղեկությունների վրա, որ կան պատմական աղբյուրներում և Բաֆֆու «Դավիթ Բեկ» վեպում: Բայց այն, ինչ որ ցույց է տրված վեպի զարգացման ընթացքում, դարձյալ պերճախոս է պատմական իրողության նուրբ ծալքերի նկարագրության տեսակետից: Հայ պատմավեպը, մանավանդ հանձնիս «Սամվելի», «Գեորգ Մարգարետունու», «Վարդանանքի», «Պապ թագավորի» և «Դավիթ Բեկի», հարուստ է «ուրացողների» կերպարներով: Դրանցից ոմանք՝ «Նավատափություններ», ոմանք՝ մտածված ու փորձված խարդախություններով ծախել են ժողովրդի և հայրենիքի շահերը: Բայց Տեր-Ավետիսը տրադիցիոն դավաճաններից չէ: Նրա կյան-

բուժում ևս լինում են ղեկավարներ, երբ մտածելով միայն որպես մեկիք, նեղ-դասակարգային շահերին գերի մնալով, ներքուստ ծառանում է Մխիթար սպարապետի ղեմ, զայրանում է իրեն պատկանող գյուղում առանց տիրող կամքը հարցնելու կարգադրություններ անելու համար, դժգոհ է այն բանից, որ կարող էր ինքը լինել զահերեց, մինչդեռ Մխիթարն է դարձել: Իայց Տեր-Ավետիսի մեջ այս մտքերի դեմ կռվի մեջ են մտնում նրա այլ մտքերը, երկիրը և ժողովուրդը փրկելու, արյունահեղությունը դադարեցնելու անկեղծ հոգսը: Այստեղ արդեն Տեր-Ավետիսը վեր է բարձրանում իր դասի սահմանափակությունից, արտահայտում է ժողովրդի և ֆեոդալների այն առաջավոր մասի գաղափարները, որ նրանց հատուկ էին պատմական տվյալ ժամանակաշրջանում: Այս ասպեկտով են պատկերված մի քանի ուրիշ մեկիքներ, որոնք անձնվիրաբար առաջնորդում են զորքին ու ժողովրդական աշխարհագրին՝ թուրքերի դեմ մղվող անհավասար կռիվներում: Տեր-Ավետիսը չի կարող պարծենալ ոչ իր տոհմի հնություն, ոչ մեծ հարստությամբ, ինչպես ասենք, Վասակ Սյունեցին («Վարդանանք»): Եվ Տեր-Ավետիսի մեջ տատանումներն ու դավաճանությունն էլ չեն առաջանում և զարգանում այնպես ուղղագիծ, ինչպես Վասակի մեջ: Վասակը երազում է «անկախ, ուժեղ հայոց տերություն», բայց դրան հասնելու համար ընտրում է «պարսկանալու» ճանապարհը: «Պարսկանանք, որ հայանանք»: Նա գտնում է, որ պետք է ատել «ստրուկի», «շողորորթի, ստորացածի» ատելությամբ և հետո միայն վրեժ լուծել պարսիկներից այդ բոլոր անարգանքների համար: Նա որոշում է Վարդան Մամիկոնյանին «հանել ճանապարհից», ժողովրդին խնայելու մասին երբեք չի էլ մտածում: Մինչդեռ Տեր-Ավետիսը ստոր դավաճան, փառամոլ դառնալուց հետո էլ հաճախ մտածում է ժողովրդի մասին, հանդես է բերում քաջություն, դիվանագետի տաղանդ: Հալիձորի պաշտպանության մասին նրա մտորումներն անկեղծ հայրենասերի, հավատարիմ ընկերոջ, մարդասեր անհատի մտորումներ են: Եթե Հալիձորի տակ մի ճակատամարտ էլ չահեն, դա նրանց վերջնական հաղթանակ չի բերի: Նրանք առաջվա պես շրջապատված են թշնամի պետություններով, ռուսները չեկան օգնության, չկա տաղանդավոր զորավար Դավիթ Բեկը: Ռենշու խարել այս անօգնական ժողովրդին և կորստյան մատենել մինչև վերջին ջրաղացպանը: Հալիձորի դռները բանալուց առաջ Տեր-Ավետիսը երդմնագիր է վերցնում փաշայից, որ ձեռք չի տա քաղաքին, մարդկանց, չի ասպատակի գավառները: Նույն ժամանակ նա հայտնում է Մխիթարին, որ հեռանա Հալիձորից, «գլուխն ազատի»: Վեպի վերջում Տեր-Ավետիսը զղջում է ոչ թե որպես դավաճան, այլ որպես մոլորված, որպես թշնամու նենգությունը մեծահոգության տեղ ընդունած մարդ: Նրա բնավորության այս էվոլյուցիան և ծայրահեղ հակասությունները պատմաշրջանի յուրահատուկ պայմանների և սոցիալական հակասությունների արդյունք են: Տեր-Ավետիսի կերպարի շնորհիվ Սյունիքի մեկիքության, որպես, մի կողմից երկրի կյանքում կարևոր գեր կատարող սոցիալական ուժի, մյուս կողմից արատավոր հատկություններ կրողի, պատկերը իր հարուստ արտահայտությունն է ստացել:

Սոցիալական կոնտրաստները շեշտելու հեղինակի ձգտումը տեղ-տեղ վեպը տանում է ղեպի ճշգրիտ ու կոնկրետ, հասցնելով նատուրալիզմի և հեռացնելով տիպականից, խտացված ճշմարտությունից: Այդպես է, օրինակ, Պղինձ Արթինի, նրա հանքերի և այնտեղ աշխատող մարդկանց վիճակի պատկերումը: Դրանք ավելի վաղ միջնադարի պատկերներ են, քան 17-րդ դարի: Բայց ընդհանուր առմամբ «Մխիթար սպարապետ» վեպը պատմասոցիալական վեպ է, և այս իմաստով տալիս է իր ժամանակի ավելի ունիվերսալ պատկերը: Դա երևում է նաև Դավիթ Բեկի կերպարից:

Ինչպես հայտնի է, «Մխիթար սպարապետ» ղեպերի ժամանակաշրջանի իմաստով Բաֆֆու «Դավիթ Բեկի» շարունակությունն է: Եվ բնական է, որ թեև նրա գլխավոր հերոսը Մխիթար սպարապետն է, բայց Դավիթ Բեկի կերպարը վեպում գրավում է կենտրոնական տեղը: Սակայն «կենտրոնական» այստեղ միայն վիպական սյուժեի մեջ կատարած դերի կամ էջերի քանակի իմաստով չի ասվում, այլ կերպարի բացահայտման, ամբողջացման: Բաֆֆու վեպում ևս, բայց միայն սկզբի մասում, պատկերված է Դավիթը որպես իր ժողովրդի լավագույն որդիներից մեկը, նրա բախտով և նրա համար ապրող մի զորական: Բայց հետագա կարևոր և վճռական ղեպերի մեջ՝ Զեփու բերդի գրավման, մեկիք Ֆրանգյուլի և խանի դեմ մղված կռիվի,—այդ հերոսը ցույց չի տրված, նրա, որպես շարժման ղեկավարի, ոգեշնչողի դեմքը չի երևում: Սերո Խանդաղյանի վեպում Դավիթ Բեկն արդեն զահերեց զորավար է, «ավերակների վրա ստեղծված նորարարյա իշխանության» գլուխը: Դավիթ Բեկի կերպարի մեկնաբանության նորությունը նույնպես կապված է վեպի հիմնական կոնցեպցիայի հետ՝ պատմական անցքերը ցույց տալ նրանց սոցիալական շարժիչների հիմքերով, մարդկանց՝ իրենց սոցիալ-հոգեբանական կողմերով: Դավիթ Բեկը այն

զորավարներից կամ պետական դործիչներից չէ, որոնք այդ ատիկանին հասնում էին շնորհիվ այն բանի, որ պատկանում էին արտոնյալ դասերին, նա դուրս է եկել ժողովրդից և այդ առումով բացառություն է: Եվ ահա Դավիթ Բեկը ցույց է տրված ոչ միայն որպես պետական մարդ, բնությունից ոժտված անձնավորություն, այլև որպես ժողովրդի մարդ, այնպիսի հոգևորանությամբ, գործելակերպի այնպիսի ուղղությամբ, վարք ու բարքով, սովորություններով, որոնք բնորոշ են նրա սոցիալական էությանը: Դավիթ Բեկին խորթ են ուժանտիկական հրազանքը, վերացական գաղափարները, դերագայնությունն ու հոգեկան տատանումները: Նա ղեպի իր նպատակը գնում է հետևողական, անկտրում գործնականությամբ, միշտ մեծ սկզբունքների շահերին հետամուտ: Անսահման սերը մոտիկների և ժողովրդի նկատմամբ Դավիթ Բեկի մեջ չի թուլացնում իրավացի պատժողին և ժողովրդի շահերի համար խստություններ գործադրողին: Պետական գաղտնիքը նույնիսկ սպարապետին հայտնող զինվորը հետևյալ օրը կախաղան է հանվում: Այդպես է պատժում Բեկը պետական գործի նկատմամբ անզգուշությունն ու բերանբացությունը: Որքան էլ որ Դավիթ Բեկը լավատես է, բայց նրա մեջ միշտ արթուն է գործիմաց հաշվեհաշվությունն ու հետագա ղեպերը գուշակելու ձգտումը: Ընդհանուր ուրախության, հույսերի իրականացման վառ տրամադրությունների սրերին միայն Դավիթ Բեկն է, որ տատանվում է հայտնել ի լուր ամենքի, թե Պետրոս թագավորը զորք է ուղարկում Հայաստան և Վրաստան և մոտ է հայ և վրաց ժողովուրդների ազատագրության ժամը: Կռակադուրով պետությունների հարաբերությունները և նրանց գործելակերպը, նա հասկանում է, որ ռուսաց թագավորը ներկա էտապում կարող է և շանել այդ բայը: Կյանքի մեծ փորձը, թշնամիներին և բարեկամներին լավ ճանաչելու շնորհքը, բնական խելքը և նվիրվածությունը ժողովրդական գործին՝ ձուլված են Դավիթ Բեկի մեջ: Ինչպես նա բացառիկ է իր ճակատագրով, կյանքի և գործունեության պայմաններով, այնպես էլ բնավորությամբ և տաղանդով: Բայց նա տիպական ու ճշմարտացի է հենց այդ իր բացառիկությամբ:

Դավիթ Բեկին բնորոշ չեն պալատական սովորություններն ու նիստ ու կացը: Նա մի գորավար է, որն իր բազմատանջ ժողովրդի համար կարողացել է անկախություն նվաճել, գրկելով իրեն մարդկային կյանքի տարրական հարմարություններից, նա անձնական կյանք չունի, նրա բոլոր մտքերն ու զգացումները միշտ կապված են այն բարդ ու տանջալից խնդրի հետ, թե ինչպես պետք է ապատ պահել երեք սրի արանքում գտնվող այն փոքրիկ հողակտորը, որ կոչվում է Հայաստան: «Այն երկիրը, որի ձեռքին սրի փոխարեն խաչն է՝ կկործանվի»: Այս սկզբունքին հետևելով էլ Դավիթ Բեկը ամեն անգամ զոժար պահերին որոշում է իր վերաբերմունքն ու քաղաքականությունը հայ եկեղեցու, մելիքների, ժողովրդի նկատմամբ, այդ նշանաբանով է նա վարում իր փոքրիկ պետության ներքին ու արտաքին քաղաքականությունը: Այսպիսով «Մխիթար սպարապետ» վեպը կատարեց պատմավեպի համար մի կարևոր խնդիր ևս—տվեց պետական գործչի հարուստ և համակերպի կերպար:

Դավիթ Բեկին վերաբերված է հատուկ արվեստասիրություն: Դրա համար շատ տեղ է տրված Բեկի և Նազուշ Հակոբի հարաբերություններին: Բայց այս գիծը չի բխում Բեկի կերպարի ընդհանուր տրամաբանությունից, բռնազբոսիկ կերպով է հարմարեցված և արտաքին սյուժեին ավելի կարևորություն է տրված: Այս բանն աչքի է զարկում մանավանդ այն պատճառով, որ վեպի երկրորդ հրատարակության մեջ փոփոխությունները գնացել են նախորդ հրատարակության մեջ տեղ գտած թևակտես հետաքրքիր, բայց արկածային սյուժեների և կերպարների կրճատման ուղղությամբ. օրինակ հանված է Բուրթլինի վերաբերող ամբողջ մասը:

Մխիթար սպարապետի և Դավիթ Բեկի հարաբերությունների մեջ բազմակողմանի ու կենդանի են ցույց տրված այդ հերոսների բնավորությունների տարբերությունները և Սյունիքի ապստամբության մեջ նրանց խաղացած պատմական դերը: Բայց վեպի մի քանի դրական հերոսների հարաբերությունների մեջ կան աղուտ կետեր: «Դավիթ Բեկի» մեջ պատմագեղարվեստական լուսաբանություն չի ստացել այն հարցը, թե ի՞նչ հանգամանքներում, ինչու է էին ձագեծորցի Մխիթարը և սյունեցի Բայանդուր իշխանը գնացել Վրաստան, ի՞նչ էին անում այնտեղ, ի՞նչպես էին հանդիպել Դավիթ Բեկին և կամ ի՞նչպես առաջացավ բարեկամությունն այդ պատմական անձնավորությունների միջև: Չունենալով այս հարցերի մասին պատմական սպառն տեղեկություններ, Բաֆֆին զիմել է միայն իր երևակայությանը: Սերու խանդաղյանն այստեղ ուղղել է Բաֆֆին: Մխիթարն ու Բայանդուրը Վրաստան չեն գնացել և այնտեղ չէ, որ ծանոթացել են Դավիթ Բեկի հետ: Սակայն Սերու խանդաղյանը նույնպես չի տվել այս հերոսների բարեկամության սկզբնավորումն ու պատմական հանգամանքները: Պարզված չեն նաև Մխիթար սպարապետի և Տեր-Ավետիսի հատկապես շեշտված փոխադարձ նվիրվածության ու հավատարմության ակունքները:

Հայ պատմավեպը, այդ թվում նաև սովետահայ պատմավեպը, մեծ հաջողության չի հասել ժողովրդի մարդու, շինականի, ճորտի ոչ կյանքը պատկերելու, ոչ բնավորությունը կերտելու

տեսակետից: Սերո հանգաղյանի վեպը Փոքր Գիորգու, Զարմանդի, Պլեննաբարի տանուտերի և այլ կերպարներով միայն մոտեցել է այդ խնդրի կատարմանը: Ցածր սոցիալական խավերից ելած մարդու, նսալու կերպարը թերի է պատմությունը հարազատ մնալու տեսակետից: Որպես նախկին ճորտ, գուցե արդարացի է նրա անսահման ատելությունը ղեպի հարստահարություններն ու կամայականությունները, հարազատ որդուն անգամ շխնայելու դրամատիկական պատկերը: Այնուամենայնիվ, անսովոր համարձակ ու քաջ լինելով որպես լեռնցի աշխատավոր, նսալին ավելի շատ նման է 20-րդ դարի գյուղական, ճիշտը՝ ուսու կազակության շրջանից ելած հեղափոխականին, քան թե ամբողջ կյանքում ճորտ եղած, մի կտոր հող երազող 18-րդ դարի հայ գյուղացուն:

Սերո հանգաղյանի վեպում պատկերված է հայ ժողովրդի կյանքի մի այնպիսի ժամանակաշրջան, երբ նա ոչ թե մեկ կամ երկու հզոր պետության համար էր դարձել կոպիտնձոր, որպեսզի բնորոշ նրանցից մեկի հովանավորությունը կամ ինքնուրույն դիմադրությունը, այլ ուռաջ էր եկել մի երրորդ տերություն, որի տիրապետությունը հայ ժողովուրդն բնորոշ էր կամավոր կերպով, ոչ թե որպես չարաց փոքրագույնը, այլ որպես իրական և միակ փրկությունը և ազատությունը: Պատմագրության մեջ և պատմավեպերում հայ ժողովրդի համակրանքը ղեպի Ռուսաստանը շատ անգամ բացատրված է կրոնների, «հավատի» նույնությամբ: Սերո հանգաղյանը չի բավարարել այդ բացատրությամբ: Հարցը քրիստոնյա ազգերի կրոնական հավատի միասնության մեջ չէ միայն. եվրոպական ազգերը՝ Անգլիան, Ֆրանսիան նույնպես, վերջիվերջո՝, քրիստոնյա ազգեր էին, բայց հենց նրանք էին դրդում մահմեդականներին՝ կոտորել քրիստոնյա փոքր ազգերին: Հեղինակն այստեղ ավելի սուր և որոշակի է դրել հարցը, եթե ուս թագավորները կարողանային իրենց զորքով մտնել Հայաստան, ապա նրանք ոչ թե կրնային հայերին, այլ, ընդհակառակը, կաշխատին նպաստել այդ ժողովրդի բարգավաճմանը, որովհետև նրանց տերության շահերի համար այդ էր նպաստավորը և ձեռնտուն: Իսկ հայերը, որ արդեն ճաշակել էին թե՛ Պարսկաստանի և թե՛ Թուրքիայի տիրապետությունը, շահագրգռված էին նրանց թուլացմամբ և Ռուսաստանի ուժեղացմամբ: Նրանք պատրաստ էին օգնել Ռուսաստանին՝ տապալելու իրենց դարավոր թշնամիներին արևմուտքում և հարավում: Այստեղ կար ոչ թե հավատի, այլ տեսնական ու քաղաքական շահերի համապատասխանություն:

Բայց այս գործոնը համարելով հիմնականը, Սերո հանգաղյանը ուշադրության է առել նաև հարցի մի այլ կողմը: Հայերի համակրանքը ղեպի ռուսները բխում էր նաև ռուս ժողովրդի ազգային յուրահատուկ բնավորությունից: Տափաստանների այդ մեծ ժողովուրդը, որ բազմիցս կրավել ու հաղթել էր օտարազգի զավթիչներին, իր հերթին համակրությամբ էր վերաբերվում ստրկացված փոքր ժողովուրդներին: Թագավոր ու իշխան լինելով հանդերձ, ռուս զորավարները, վերջիվերջո, ինչ-որ չափով արտահայտում էին ռուս աշխատավոր ժողովրդի այդ տրամադրությունները և վերաբերմունքը ղեպի շատ տառապած, միշտ ֆիզիկական բնաջնջման վտանգին ենթակա փոքր հայ, վրացի և ադրբեջանական իրենց հարևանները: Ռուսաստան, իր նվաճողական քաղաքականությամբ հանդերձ, դրական դեր էր կատարում արևելքի ժողովուրդների կյանքում: Մարքսի այս միտքը գեղարվեստական արտահայտություն է գտել «Մխիթար սպարապետ» վեպում: Վիպասանն ընթերցողին տանում է Թուրքիայի Բարձր դուռը, ռուսական ղեկավարություն, պարսկական շահի պալատը և թուրքական զորքերի համարները, Կասպից ծովի ափերում տեղավորված ռուս զենեարանների և նրանց հրամանատարության տակ գտնվող հայկական զենգերի վրանները: Ոչ միայն Հայաստանում տեղի ունեցող անցքերը, այլև դրանց արձագանքներն ու հետևանքները, ազդեցությունը շահագրգռված պետությունների պալատներում և ղեկավարատական աշխարհում, — այդպիսի լայն ընդգրկումների է հասնում «Մխիթար սպարապետ» վեպը և մարմնավորում այդ իրողությունը:

Եվ հենց այստեղ էլ վեպն ավելի է խորանում իր գաղափարական հունի մեջ: Նույնիսկ ռուս թագավորն ու նրա բարյացակամ զորավարներն, իրենց հզորությամբ հանդերձ, չեն կարող անկախություն տալ հայ ժողովրդին, նույնիսկ նրանք նախ և առաջ իրենց սեփական շահերին են հետամուտ և գերադասում են փոքր ժողովրդի պատճառով չփշացնել իրենց հարաբերությունները մեծ տերությունների հետ: Ժողովրդի մարդու շուրթերով են ասված դառնության այն խոսքերը, որ բնորոշում են թագավորների վերաբերմունքը ղեպի փոքր ժողովուրդներին: Ծայրահեղ աղքատ, ճորտ նսալին, որ Մխիթար սպարապետի շնորհիվ ազատվել է ճորտությունից, դարձել զինվոր, հարցնում է. «Ի՞նչ է մի աշխարհական թագավորի խաբել փոքրիկ ժողովուրդներին, որոնք իր փեշն են բռնել, իր հույսին ապավինել, հր՝ ա՛: Միակ ճանապարհը՝ ամենադժվար, ամենից շատ զոհեր պահանջող, բայց միակ ճիշտ ճանապարհը՝ դարձյալ դիմադրու-

⁴ Նույն տեղում, էջ 256:

թյունն է, ոչ անպայման «նահատակությունը», այլ խելացի, անձնվեր, անկոտրուժիմադրություն, հաշվենկատ, պատմական հանգամանքների զգացողությամբ և բոլոր ուժերի ճիշտ ազդեցությամբ կազմակերպվող համառ պայքարը:

Այդ պայքարի հաջողության գրավականը ոչ միայն մելիքների միաբանության, դուրափաների փորձագիտության ու քաջության, զորական ուժի մեծության մեջ է, այլև ժողովրդի, աշխատավորական լայն խավերի կամավոր մասնակցության, նրանց ոգու, տրամադրությունների մեջ: Պատրաստ են, արդյոք ժողովուրդը, աշխատավոր գյուղացիությունը, շինականը, պատերազմի դաշտ ելնել ուժեղ թշնամուն դիմադրելու համար: Փոքր ժողովուրդների կյանքում այս հանգամանքն առանձին կարևորություն ունի, որովհետև ժողովրդի փոքրաթիվության հետևանքով փոքրաթիվ է նաև կազմակերպված զորքը: Առանց ժողովրդական աշխարհագրի, կամավոր ջոկատների, անհնար է պատերազմել:

Հատուկ ուշադրություն է դարձված քաղաքների, մասնավորապես Երևանի, Ագուլիսի ալաշտպանության ժամանակ ժողովրդական ջոկատների, ժողովրդական ղեկավարների մասնակցությանը: Ստեղծված են ժողովրդից ելած հրամանատարների կերպարներ (Կառլիկ Հովհաննես, Սասյի և Ուրիշներ), որոնք տարբերվում են մյուս հրամանատարներից ոչ միայն պատերազմ մղելու, քաղաքները պաշտպանելու իրենց ինքնահնար միջոցներով, այլև հոգեբանությամբ: Նրանք ընտանիքի, դավաճանների մահը գերադասում են ստրկությունից, բռնադատությունից ու անպատվությունից: Կառլիկ Հովհաննեսը քաղաքի անկման վերջին պահին սեփական ձեռքով պայթեցնում է այն տունը, որտեղ պատսպարված է իր ընտանիքը:

Թե՛ կերպարների և թե՛ քաղաքների պաշտպանության ձևերի միջոցով ցույց է տրված նկարագրված աղատագրական կոմի ժողովրդական բնույթը: Նույնիսկ «Վարդանանքի» մեջ չենք հանդիպում ուժանների, ամբողջների պաշտպանության այնպիսի հանգամանակից պատմական պատկերների և ժողովրդի մասնակցության խորը և լայն զեղարվեստական բացահայտման:

«Մխիթար սպարապետը», որպես պատմավեպ, հարուստ է մնացել այդ ժանրի նաև իտալյան առանձնահատկությանը. հեղինակը զարգացնում է սյուժեն և բնավորությունները ոչ միայն պատմական քաղաքական անցքերի պատկերման, իր հիմնական կոնցեպցիայի զարգացման ուղղությամբ, այլև առիթը բաց չի թողնում ժամանակի տնտեսական կյանքի պատկերն ստեղծելու համար: Այստեղ էլ հիմն Սերո իմանաղյանը լիապես նորարար չէ, ապա համեմայն ղեպս հետևավորական, պատմական իրականությանը զեղարվեստական զգեստ հագցնելու մեջ հմուտ ու գիտակ զրոյ է: Խոսելով, օրինակ, «Հարսենյաց մեծ ավանը» պարսիկների ձեռքով ավերելու մասին, նա չի սահմանափակվում այդ ուվերման «ֆիզիկական» նկարագրությամբ, այլ տեղն ու տեղը զադափար է տալիս նրա տնտեսական վիճակի մասին, հավատարիմ է մնում պատմական իրականությանը՝ իր բազմակողմանիության մեջ. «Թշնամին վառել էր այնտեղ եղած մետաքսի հարուստ գործատները, շերամանոցները, բամբակի բարդանները, չացրած, Այս, արտաքուստ հակիրճ, տեղեկությունն արդեն բավական լավ պատկերացում է տալիս ավանի բնակչության զբաղմունքի և նյութական կացության մասին:

Ուրացող Մուրադ Ասյանը բացատրում է, թե ինչու է ցանկանում «ալլահի սուվեր սուլթանը» տիրել Հայաստանին: Իսկապես, չէ՞ որ այդ դուրանակալ թագավորներին հետաքրքրող Հայաստանի միայն բնության զեղեցկությունները չէին: «Ոսկու ամբողջներ կան նրանց Ագուլիսում ու Հին Ջուղայում: Հայ խոջաները կրպակներ ունեն աշխարհի բոլոր շուկաներում: Նրանք նավեր ունեն ծովերի ու օվկիանոսների մեջ: Աշխարհի հարուստ քաղաքներից ոսկին հասնում է ղեպի այս լեռների ամբողջները: Այստեղ են խոջաները պահում իրենց ընտանիքներն ու գանձերը: Կապանում պղնձի ելքեր կան, Արցախում հայերն ոսկի ու արծաթ են հանում: Մեղրին, Ամարասն ու Որդուվարը հարուստ են մետաքսով, պարսկական մահուդով, այս լեռների բարձր արտուներում տարածված են ոչխարի ու տավարի անհամար հոտեր»:

Ահա թե ինչն է շարունակաբար զրգռում պարսիկ ու թուրք պարազիտների ախորժակը, որոնք կոչվում են թագավորներ, և ահա թե ինչու են նրանք իրենց ընտիր զորքերն ուղարկում ձմեռվա բուքին Սյունիքի լեռներում մեռնելու:

Վեպում հարուստ և սպառիչ տեղեկություններ կան առևտրական քաղաք Ագուլիսի մասին. մեծահարուստ վաճառականների պալատներ, տասնմեկ վանքերի ոսկեղծ գմբեթներ, ծածկած շուկայի անհատնում բարիքներ, ակնեղենի ու մետաքսի կրպակներ: «Քաղաքից փոքր ինչ դուրս» Թովմա առաքյալի վանքն է, որի «մայր տաճարի դուռը զարդարված էր փղոսկրով, իսկ գմբեթին շողշողում էր ոսկե վիթխարի խաչը: Թովմայի վանքից պակաս հարուստ ու շքեղ չէին նաև մյուս

5 Նույն տեղում, էջ 21:

6 Նույն տեղում, էջ 411:

տասը վանքերն ու տաճարները: Քաղաքի նեղ փողոցներում, քարե բաց նուվերի միջով օր ու գիշեր վազում էին բազմաթիվ քահանայների սառնորակ ջրերը⁷: Հեղինակը Ազուլիսի համար մղվող ճակատամարտերը կարծես հիմնավորում է նրա տնտեսական նշանակալից գերով՝ այդ ժամանակաշրջանում: «Աշխարհի բոլոր ծայրերում հուշակ էին վայելում Ազուլիսի ձերմակ բուրգը, բամբակը, բարակ շիթը, չոր միդգը, ընտիր մետաքսը, դույնգզույն ու նուրբ կաշիները, որից նույնիսկ եվրոպայի արքաներն էին կոշիկներ կարել տալիս իրենց համար: Աշխարհի շուկաներում հայտնի էին Ազուլիսի կերպասը, գիտորով դարադած այծի մորթին, գոհարեղեն զարդերը, ծանրագին ակնեղենը»⁸:

Վեպը ընթերցողին հավաստի տեղեկություններ է տալիս 18-րդ դարի Սյունիքի և Արցախի, Երևանի և մյուս դավառների ոչ միայն տնտեսական կյանքի, բնական հարստությունների, քաղաքական կացության, այլև կենցաղի, ապրելակերպի մասին: Պատմելով Խոմա հարյուրապետի և Գոհարի Ազուլիս մտնելու մասին, վիպասանը չի մոռանում նշել, թե այդ քաղաքի կանայք ինչպիսի զգեստներ էին կրում, ռոսկակար շրթիկներ, առանց թթակալների, կրծքերի վերին մասերը բաց⁹: Կամ մի՞թե պակաս հետաքրքիր է, թե Ազուլիսի բնակիչները 18-րդ դարում ինչպես էին վերաբերվում բնակարանների ծաղկազարդմանը, ինչպիսի ճաշակ ունեին. «Գոհարին դուր եկան Ազուլիսի տների մեծադիր պատուհանները, մանավանդ թաղարների մեջ դրած ծաղկաթփերը, նարինջի խոշոր ծառերը, որ արդեն տներից հանել, դրել էին պատշգամբներում»¹⁰:

Պատկերվող ժամանակաշրջանի բարքերի ու հասկացողությունների մասին լայն տպավորություն են տալիս մանավանդ Դավիթ Բեկի թաղման արարողության նկարագրությունը: Վարդ-Նաթուրի կազմակերպած ճաշկերույթի պատկերները:

Պատմականորեն թերի կլինեն «Մխիթար սպարապետ» վեպը, եթե ընթերցողը նրա էջերում հարուստ տեղեկություններ չգտներ պատերազմող կողմերի զորքերի կառուցվածքի, զենատավորման, զենքի տեսակների և պատերազմելու մեթոդների մասին: Վեպից կարելի է ստույգ իմանալ, թե թուրքական ինչպիսի բանակ, ինչպիսի կազմով և ինչ զենքով էր հարձակվում օրի-նակ, Երևանի վրա, ինչ ուժերով և ինչպես էր պաշտպանվում Երևանը, ինչպիսի կորուստներ եղան երկու կողմից, կամ ինչ քանակությամբ զորքով էին հարձակվում թուրքերը Հայկոթի վրա, ինչ կորուստներ կրեցին, ինչ զենքերով էին կռվում, և հայերը ինչպես ոչնչացրին թուրքական բանակի վիժակործանը: Բաֆֆին նույնպես «Դավիթ Բեկի» մեջ տալիս է աչք ընույթի տեղեկություններ: Բայց դրանք թուրքիկ են, և հենց Բաֆֆու խոստովանությամբ՝ ոչ լիովին ճիշտ, «չափազանցված», որովհետև նրա ժամանակներում այդ զենքերին վերաբերող աղբյուրները խիստ սահմանափակ էին, եղածները չկային գրողի տրամադրության տակ: Ուրիշ են պայմանները այժմ: Սերո Խանզադյանը «Մխիթար սպարապետ» գրելու համար հնարավորություն ուներ օգտագործելու շատ գրքեր ու նյութեր, որոնք խնամքով հավաքված են մեր մասսայական և գիտական գրադարաններում ու արխիվներում: Եվ ահա հեղինակը մանրակրկիտ ուսումնասիրություն է կատարել, կարդացել է ոչ միայն անմիջականորեն Սյունիքի պատմության վերաբերյալ գրականությունը, այլև դրան նախորդող ժամանակաշրջանի, ինչպես նաև այդ զենքերի հետ կապ ունեցող պետությունների պատմական կացության ու հարաբերությունների մասին աղբյուրները: «Մխիթար սպարապետ» պատմավեպը գրելու համար հեղինակի ուսումնասիրած գրականության համառոտ ցանկը, ինչպես դա ցույց են տալիս նրա ձեռագրերի վրա կատարված առաջին դիտումները, հետևյալն է. Առաքել Դավրիժեցի—«Պատմություն Առաքել վարդապետի Դավրիժեցվո. Սակս դիպվածո Հայաստան գավառին Արարատյա և մասին Գողթան գավառի», Հասան Զալայան Ենայի—«Պատմություն կամ Դիատակ ինչ ինչ անցից դիպելոց աշխարհին Աղվանից նույն հեղինակի» «Պատմություն համառոտ Աղվանից երկրի» գիրքը, Արրահամ Կրետացի կաթողիկոս—«Պատմագրություն անցիցն յուրոց և նատր շահին Պարսից», Սմբատյան Մեսրոպը արքեպիսկոպոս—«Տեղեկագիր Կեղարքունի ծովազարդ գավառի», Արրահամ Երևանցի—«Պատմություն պատերազմացն 1721—1736», Բարխուդարյան Մակար Եպիսկոպոս—«Արցախ», նույն հեղինակի՝ «Պատմություն աղվանից»..., Շահումյան Ստեփաննոս—«Դավիթ Բեկ», Հովհաննիսյան Աշոտ—«Գրվագներ հայ ազատագրական մտքի պատմության», Լեո—«Հայոց պատմություն» երրորդ հատոր: Վիպասանը կարդացել է նաև Պետրոս Մեծի արշավանքների, Օսմանյան կայսրության պատմության, Աղվանների պատմության վերաբերյալ մեծ քանակությամբ այլ նյութեր, ուսումնասիրել է Սյունիքի, Ղարաբաղի, Դոդթանի ժողովրդական գրույցները Դավիթ

⁷ Նույն տեղում, էջ 427:

⁸ Նույն տեղում, էջ 428:

⁹ Նույն տեղում, էջ 561:

¹⁰ Նույն տեղում:

Քեկի կոթիկների մասին, ծանոթացել է պատմական հուշարձաններին, վիճագիր արձանագրություններին, շրջել է բոլոր այն վայրերը, որոնք կապ ունեն վեպում նկարագրվող զեպերի հետ և գտնվում են Հայաստանում և Անդրկովկասում:

Բաֆֆին «Դավիթ Քեկի» ավարտումը հետաձգել է Սյունիքում ճանապարհորդություն կատարելու և մոտիկից այդ գավառներն ուսումնասիրելու նպատակով, որը նրա ժամանակներում դժվար կատարելիք մի խնդիր էր: Սերո Խանդաղյանը ոչ միայն նման դժվարության առաջ չէր կանգնած, այլև Սյունիքում ծնված ու մեծացած լինելու պատճառով քաջ ծանոթ էր ոչ միայն այդ վայրերին, այլև մարդկանց հոգեբանությանը, տրագիկաններին: Նրան ոգևորել են պատմական հերոսամարտերը, ոչ միայն որպես այդպիսիք, այլև որպես հարազատ ծնողավայրի, իր նախնիների հերոսական բնավորությունների ու գործերի կենդանացման շարժառիթ: Սերո Խանդաղյանի բանավոր խոստովանությամբ պատմավեպ գրելու գաղափարը նրա մեջ ծագել է Հայրենական պատերազմի ժամանակ, երբ հեղինակը զինվոր էր, ապա մարտկոցի հրամանատար՝ Վոլխովի և Լենինգրադի ռազմաճակատներում: Նրա հանդիպումը զինվոր Իշխան Դավթյանի հետ, որը պատերազմից առաջ Զանգեզուրում հանքափոր էր և որին կոչում էին «Դավիթ Քեկի թոռ», բորբոքել է ապագա վեպասանի երևակայությունը հայրենի Սյունիքի հերոսամարտերի պատկերներով, ոգեշնչել է դրիչ վերցնել պատմության արխիվներից մեկ անգամ էլ հանելու այդ մարտերի հերոսներին, բնթերցող մասնասների առաջ դնելու զարմանալի հանդուգն, ազատասեր ու քաջ մարդկանց զիմանկարեններն ու գործերը:

Բնության պատկերների տեսակետից անցյալի հայ պատմավեպը համեմատաբար համեստ է, և՛ ի՛նչպես շունենանք «Վերք Հայաստանին»: Կարծես թե վեպերի ստեղծման ժամանակը հնարավորություն չի տվել շատ ծավալվել, շեշտակի թելադրել է ժողովրդի անմիջական հոգսերի առարկա հարցերը բարձրացնել և սրել գաղափարական կողմը, ինչպես, օրինակ, Բաֆֆու պատմավեպերը: Մինչդեռ Սերո Խանդաղյանը հնարավորություն է ունեցել տալ նաև բնության շքեղ պատկերներ, ձուլելով դրանք պատմական անցքերի բնթացքին և հերոսների տրամադրություններին:

Այս վեպի մեթոդական-ոճական առանձնահատկություններից մեկն էլ էպիկականի և դրամատիկականի հաջող զուգորդումն է: Դրամատիզմը հետևապես նկատելի է Մխիթար սպարապետի և Դոհարի սիրո, Մխիթարի կնոջ, Տեր-Ավետիսի հոգեբանական էվոլյուցիայի պատկերներում: Այդ է, թերևս, պատճառը, որ լինելով ծավալուն պատմավեպ, «Վարդանանքից» հետո սա նույնպես արժանացավ բեմ ելնելու պատվին:

«Մխիթար սպարապետ» պատմավեպը լայնացրեց ու խորացրեց այն հունը, որը բացել էր հայ պատմավեպը, որպես սոցիալական, ռեալիստական վեպ: Այդ երկը զարաշրջանի լայն ընդգրկման, հասարակական հարաբերությունների խորը վերլուծության երկ է, համարձակ և անկեղծ ներշնչանքով գրված վեպ-հերոսապատում, որը առաջընթաց քայլ հանդիսացավ սովետահայ պատմավեպի մեջ:

3. О. Гукасян

ИСТОРИЧЕСКИЙ РОМАН «МХИТАР СПАРАПЕТ»

Р е з ю м е

В период Великой Отечественной войны, а также в послевоенные годы наблюдается развитие советского армянского исторического романа. Наряду с романами Д. Демирчяна «Вардананк», С. Зоряна «Царь Пап», заложившими основу развития нового исторического романа, вышел в свет целый ряд произведений этого жанра.

Автор статьи выделяет из них роман Серо Ханзадяна «Мхитар спарпет» и вскрывает некоторые его особенности. Основная концепция этого романа о целях и исходе освободительной борьбы — более реальная и жизненная, чем концепция «самопожертвования», лежащая в основе некоторых других исторических романов. «Мхитар спарпет» глубже вскрывает социальные корни освободительного движения и особенности классовых отношений данного периода (первая половина 18-го века), правдиво и ши-

роко изображает отношения великих держав к малым народам, основы дружбы русского и армянского народов.

Автором созданы реальные образы деятелей освободительного движения и, в частности, видного полководца и государственного деятеля—Давид Бека. По-новому изображены противоречия «отступника» в лице Тер-Аветиса.

В романе широко показаны экономические условия данного периода, средства ведения войны, особенности борьбы народного ополчения.

Хотя отдельные места романа носят описательный характер и автор отходит от художественной правды, в целом это произведение можно оценить как достижение в развитии советского армянского исторического романа.